


平音文集

木田三木六

内閣文庫	
番 號	漢 10277
冊 數	12 (10)
函 號	重 3 1



国立公文書館
National Archives of Japan

糊などで貼り付けられている部分がめくれない個所があります。

原本の文字など不明瞭な個所があります。

綴じ部(喉部分)の文字など不鮮明な個所があります。

平齋文集

平齋文集卷第二十四

啓一

謁莊提舉啓

鐵硯關心莫續盤洲之脉繡衣具眼好開泮水之
荒雖離竒了無先事之容而啐啄或有同時之理
不孤此志端繫其逢昔者東坡之門卓然北斗之
望惟斯文之宗主在是故當世之豪桀歸之后山
仕徐嘗賦稻苗待公秧之句山谷游魏亦哦小草
有遠志之詩皆繇郡文學之官自附墨客卿之列
品題一出聲價倍增四學士之名等華嶽而俱重
六君子之選與日星而並垂此風無傳吾道誰屬

必宗工之繼作則善類之爭趨伏念某骨相踳跚
性資骯髒悲歌長缺眉鼻之檄未能活計短檠床
頭之易猶在颯重圍之白髮峭獨冷之青衫訪三
洪於故國之中拜一范於公堂之上湖山醒夢何
嫌書懶讀之朝山色療飢敢爲飯不足之歎顧此
游之不惡知其命之將通恭惟某官吾儒津梁斯
世鼎呂辟雍講道激揚洙泗之波祕府紬書排蔓
蓬萊之氣胡斜飛而背日肯夙駕以觀風以曾中
之鏡而照老吏之百姦以肘後之方而起疲氓之
九死且力扶於公議每樂得於英髦有覲賞音遂
忘躍冶僖公六轡九頓首於先驅惠子五車一點
頭於後覺歸依良切敷染奚殫

謝葉提刑薦啓

泮水思樂熟觀魯侯之旂舞雩詠歸首與曾點之
瑟孰蚍蜉之借援自螺贏之投機引而進之望不
及此竊以古靈之藁莫匪名臣溫公之門類多君
子惟相知不在肝鬲之表故一見盡得眉睫之間
信公道之主盟乃人材之司命如某者拊缶不韻
挈瓶無竒遇會意之文時擬景福靈光之賦求安
心之法日對布衾陋室之銘羞襜褕以不爲任擲
揄而弗顧正請老農之學忽求病甕之師抵掌而
談古今千歲可坐致也屈指而計日月明年尚竊

遲之豈期夜雨之燈忽入春風之筆先鞭方着歸
袞難留溘埃風而上征殿奔雖後過屠門而大嚼
知味已多儻自茲或尋覆蕉之緣則其他可乘破
竹之勢造物所相終身焉依茲蓋伏遇某官列戟
名家褰帷膚使抱王霸之略前身江左之夷吾主
人物之評後世汝南之許劭障末流於既倒牖晚
學於方來淑氣一噓韶華四滿猶謂踈枝冷蘂有
未放之寒梅縱令換葉移根亦舊栽之紅藥軒昂
露剡特達知音某敢不恪守官箴勉求師說四方
逐東野自今有入道之門一辦爲南豐何日是報
恩之地

謝費提刑薦啓

光近繡衣久跂八鸞之末褒榮華袞忽開三鱣之
先一舉軒然斯文幸甚嘗觀種樹之傳因得論花
之評香出淤泥濂溪之愛蓮未爲過影橫籬落和
靖之好梅正自佳其或合山樊水仙而爲弟兄以
至集海棠醑醪而與賓客雖非同調還許聯芳如
某者猶有弗爲懦知自立收心學問不過乘欸段
而稱善人抗志功名未免帶櫛具而見公子來習
青青之佩得依皇皇之華曲爲吾道之主盟不以
衆人而見遇念瀕於蒲盍寵其歸飛一鷲於霄漢
之邊送乘鴈於江湖之上俾之末綴假以先容茲

蓋伏遇某官功過于張材如房杜轉移風俗力可
以迴萬牛主張人材言足以重九鼎滋蘭荃而方
茂擷芹菲以尤勤遂令孤楨之微亦殿群英之後
某敢不篤於信道期以酬恩誦醉時歌寧嘆廣文
之冷作進學解尚觀宰相之方過此以還未知所
措

謝鞏都大薦啓

虎鼠不齊幾多屬吏熊魚兼得獨一門生異哉知
己之深榮矣終身之託嘗觀古人推賢之道因得
君子引類之心仁傑之舉柬之婁稱爲宰相之器
蕭何之薦韓信數謂有大將之材言不厭多用然

後已每嘆此風之寢遠不圖今日之猶存如某者
真是孤寒甘從獨冷過辱諸公之遇特開寸進之
塗着從事之衫固知有分給尚書之札猶嘆無因
忽聞一鷲之飛復許六鰲之掣俾與政事文學之
秀者早及英華精銳而用之茲蓋伏遇某官範世
清規鑄人妙學以修明公道自任如日行天以涵
育人材爲心如川赴海最憐冰底之芹藻屢采水
邊之芷荃始終三年眈眈一意某敢不力守狂狷
之行多讀聖賢之書陳古靈疏名以聞未知所報
趙韓王綴奏而進更大其成國士自期墨卿莫究

回鄱陽章宰啓

閱千佛之經升沉有異作同官之記先後無多分
桃李之餘陰動茹芹之生意恭惟某官氣摩霄漢
手摘星辰過秦論以來復見作者諭蜀檄而下蓋
優爲之蜚聲翰墨之場抗志功名之會凜凜胷中
之兵甲堂堂眼底之金湯八面當鋒一身是膽張
睢陽之罵賊誰解秋圍劉并州之却胡竟成宵遁
勲當居最賞未酬勞收唳鶴之餘聲躡飛鳧之雋
武未施於事已信其能三異政成沸弦歌於東楚
十行詔下鏘環佩於西崑某一第八年重親寸祿
睨健翻於扶搖之上抱寒根於寂寞之濱忽得年
盟好爲道地有酒酤我不須問識字之竒退食自
公政可說從軍之樂

通交代林教授啓

才名方冊之間願從而後交好佩衿之地偶在其
前糠粃包羞藻芹增氣恭惟某官學傳伊洛文過
晁張橫絕銀河織天孫之雲錦倒翻滄海弄明月
之驪珠妙舍選之青錢高臚傳之淡墨欲培所養
靡疾其驅乃睠楚東庠序之林實爲江左衣冠之
藪一關隔市俗客不來雙塔照湖偉人間出宜得
胡安定之宿望以修范文正之遺規螺髻地清聊
對簷花之雨螭頭天近即迎御柳之春某喜共儒
門媿妨賢路經腹之嘲未解刀頭之夢頻驚遺君

子以桃李之場逝將去此納諸生於芝蘭之室尚
亟圖之

生日回學職啓

乾策年華方驚去速土圭日景又欲添長雖無蛻
鶴之姿僅有聞雞之志辱高懷之期許迂雋步以
臨存出幼婦受辛之詞推老人甲子之數絳紗幃
底欠度曲之雪兒青玉案邊付誦詩之驥子其爲
感佩未易名言

謝黃留守科目啓

分教三年受察詩書之帥去官數月登名文學之
科藐無地以先容恍自天而下墜得公借重舉世
知榮竊以古人以文表見者蓋多後世隨手漸滅
者皆是作毛穎傳猶謂類俳續春秋經或譏失僭
要得宗工之印可始成後進之聲名伏念某嗜古
忘餐愛竒成癖有歐陽必同歐陽之說期之千百
年之餘非子雲莫好子雲之書豈以一二人而輟
未離翰墨之逕遂墮糞鹽之場患在爲師教因知
困謝江郊之陳跡臨京國之迷津吾黨雖狂誰門
可扣遽辱收千金之敝帚奚啻獲一壺於中流機
會之來神明所相茲蓋恭遇某官日光玉潔山立
時行著書立言襲六爲七而無媿解疑辨惑問一
得三而有餘發先儒之所未傳使後覺之有定鄉

頃東游而納謁因北面以知歸見若平生期諸晏
歲不謂久違於矩範乃蒙肯記其姓名雖無子固
之文亦應溫公之格某敢不益彊所學期放厥辭
日近長安喜聽袞歸之詔雲趨材館終歸鈞播之
功

宗教謝廟堂啓

齏鹽有分未寒侯類之盟橐籥無私仍玷宗庠之
選寸進當安於常分一命皆出於至恩拊已包羞
逢時知幸竊以東平爲善之最樂河間大雅之不
群由其得涵養學問之源所以忘生長富貴之習
欲陶成於公族必鑒擇於師儒如某者久坐文窮
難醫書癖頭顱如許敢謂緝緝有封侯之方面目
可憎自知管城非食肉之相末第坐踰於一紀冷
官僅了於三年畫餅可觀炊沙不飽靖念皇極無
棄人之法况當太平樂與賢之秋歸誠光範之門
妄意翹材之館惟愛人之以德故應物之無心謂
其嘗在文學之科可使往分屬籍之教資格雖慙
於黃甲姓名猶託於青氈磨鐵硯以爲期徒抱益
堅之志垂玉衡而在上莫名平施之功茲蓋恭遇
某官德享天心功在王室網維萬化國有關雎麟
趾之風羽翼群經人由中庸大學之道力任斯文
之重妙裁吾黨之狂權度無差斗筭不棄某敢不

篤於絜已思以淑人遲瓜戍於八年之餘疇能縮地速化功於一息之頃尚覬廻天捧戴惟深琫摩罔既

謝莊中書舉自代啓

禁路問津首玷十科之選詞垣正席仍推三字之儲賞音愈久而愈深推轂不進則不已感由心刻聲與淚俱竊以東坡免試而薦伯脩南豐初除而舉貢父是實是主無古無今如某者鐵硯僅存金桴何有少未聞道徒寄榮華於飄風之中晚悟作文頗見涯涘於霜降之後抑而爲說難孤憤放而爲牢愁反騷是特不平之鳴殆非有用之學胡傑出於一佛俾同升於諸公舍旃舍旃苟亦無然雖讒波之可畏類我久則肖矣終恩地之有歸對黃茅白葦之秋光借紅藥蒼苔之春色聞風甚偉學步良難茲蓋恭遇某官道德宗師文章宿老紫微閣靜一揮贊普之書白玉堂深婁草河涼之詔每謂絲綸之手要湏錦繡之習豈無他人正在我輩爲命得禪謀子產顧不肆歎稽首遜及所伯與亦幾過矣某敢不彈冠而起執筆以從醜婦効顰詐作金屋人家之想癡兒說夢尚追鈞天帝所之遊銘德惟勤抒詞莫既

謝廟堂啓

雷霆震疊正切省循日月清明遂叨杖拭轉化功
其有力戴恩紀乎無涯竊以剝復相乘者陰陽之
機生育不窮者天地之德蠖伸於屈沍寒之氣回
春苗槁而興大旱之雲爲雨凡物皆爾於人亦然
如某者魏瓠中枵晉錐外鈍生涯牢落初無郭外
之田學殖荒踈僅餘床頭之易或喜其有山林之
氣或疑其非邊幅之材竟坐五窮難逃百謫大爲
世僂方無地以容身過重親憂遽終天而抱痛所
欠一死不圖更生緇衣之宜又改爲兮端出中心
之好白圭之玷尚可磨也大明前事之愆復俾臨
民免爲棄物茲蓋恭遇某官身任四海九州之重
道爲五帝三王之師排幹黃河回天下不能回之
勢涵溟滄海受敵已所難受之言趙韓王開國之
元勲文潞公服人之厚德相去幾世合爲一人乃
若以春秋爲繩世之權以皇極爲用人之法平心
而運公是以昭脫諸千仞之淵示以九達之路虎
豹啄下人些知莫扼於九關鸞皇爲先戒兮願早
施於八翼大造所及終身焉依

謝廟堂差幹官啓

公朝天大甫開荆棘之塗邊閭地雄遽綴芙蓉之
幕驚魂復返感涕交流蓋嘗絕大江而東遊倚長
淮而北望雖有可乘之機會未知一定之規摹

於偏安殆非孔明公瑾之志急於進取未免蒸
義之之憂雖堅忍可與成功而審重最爲上策首
擊尾應尾擊首應要莫測於吾謀我出彼歸彼出
我歸使常牽於後顧縱未大尉乎玄黃之筐亦可
坐弭乎赤白之囊責在元戎亦資婉畫如某者交
無狗監泣有牛衣滄浪濯纓早嘆鬢毛之颯太行
倚劍斗驚髀肉之盈居紛紛其離郵分落落乎難
合化功一轉生意頓回朝刊黜籍之丹暮刻誅函
之墨拔從九地實在重霄巴西此日之放麕可謂
仁矣塞北向來之失馬詎非福耶矧去家無千里
之遙而望祿特半年之近生成至此稱塞謂何恭
惟某官以社稷臣爲帝王佐十年生聚十年教訓
坐凝更化之勲一歲力役一歲戍屯深軫佳兵之
慮惟尊安中國以爲急斯鎮撫四夷而有餘旣素
定於廟謨尤不輕於邊瑣大先謀帥細及簡僚遂
令守玄尚白之蹤亦在依紅泛綠之數某敢不痛
心前轍加意後鞭不徒丐升斗以養親庶幾展尺
寸以報國平定安集况曾讀建武天子之詔書踴
躍歡呼所願草頡利可汗之露布依歸大造誓畢
餘生

通崔安撫啓

捧研從游久綴門人之列分弓庇役就充幕吏

貞天巧其逢人榮所託竊以小范之帥環慶舉張
方平大蘇之牧中山進李端叔兩公辟士之盛事
百世知入之美談不圖晚生親見前輩恭惟某官
光明而亮偉端重而沉深望之儼乎道德之容挹
之薰然仁義之澤驅千兵萬馬於筆下風雨恬霽
而無聲吞五湖三江於胸中波濤舂撞而不動剗
兕麻源之右掣鯨桂海之南清畏人知靜忘物競
其去也諸公挽留而莫可其歸也四輩趣召而後
來甫躋郎省之華亟填戎垣之重秋風保障威行
萬竈之煙春日耕桑騷動一犁之雨淮南倚以爲
脉山東聞而屬心况狐兔失穴之餘正貔貅扼塞
之日人皆輕進公獨隱憂謂中原機會之方來而
外治規摹之未立灞上棘門如兒戲耳尚遺債帥
之風方城漢水雖衆用之未免市人之戰要須彊
國勢於精神之表乃可制虜命於掌股之間反覆
開陳庶幾感悟彼賢儒幾敗乃事徒諉諸一勝一
負之常此元老克壯其猶必運以萬舉萬全之略
寧少遲於端召庸迄奏於庸公坐縛可汗盡還輿
地某四年食客三世夙緣濟慈航於黑風大海之
中送靈槎於黃河昆侖之上烏幕濫巾於温石兔
園接袂於鄒枚誓上下以相隨抑東西而惟命誦
蕪城之賦熟形勢於曾來續泗水之碑寄功名於

不朽矢志歸倚拜手敷陳

謝崔安撫舉改官啓

子來幾日甫爾依紅我有二天居然破白惟屹立于
於世方橫潰之表故力挈於人不比數之中抒敬
辦香歸恩丈席竊以人材由江左而降幕客在淮
南爲多韓魏公得王金陵而不及賞音牛竒章辟
杜書記而未嘗推轂遂令遺憾尚見前聞伏念某
讀書不多涉道更淺方其始銳自謂五石瓠可剖
以爲樽迨此中艱乃知六州鐵猶鑄不成錯以舟
行岸移而閱世變以霜降水落而觀物情虛憍浸
平剝蝕漸復富貴非吾願未敢云然貧賤玉汝成
容或有此然紛紛成敗之異論而咄咄炎涼之易
情不圖一日之逢遂有終身之託拔從食客列在
屬僚歲寒東閣之梅結根已舊春色平山之柳成
蔭方新廣平下坐而揖之前相如末至而進諸右
使無地主誰破天荒茲蓋伏遇某官功蓋三邊眼
高四海論材以相馬之法觀過於奪牛之蹊得一
士於河南了無貴戚之命空群良於洛北惟有山
人之媒共驚甄拔之殊誰識機契之早五更進履
已是會心半夜傳衣不容放手故於落落難合之
會而有沾沾自喜之榮上下四方盡是依劉之地
始終一節敢忘在莒之時銜戴寔深編摩抑略

謝丘安撫舉改官啓

從莫府之游南當春後上公車之薦忽在秋先軒
軒特達之知落落希闊之遇得之驚躍傳者信疑
竊以橐駝種樹以蚤實爲功狙翁賦芋以朝得而
喜伊物理之猶爾豈人情之不然矧墮七選之坑
欲結五剡之塔寧爲雞口毋跋狼胡必考素以點
頭始探期而入手如某者有倬直之短無趨和之
長肝膽輪困據鞍之髀易蒲頭顛蕭颯讀書之眼
尚明不能忍藜莧之飢漫欲決枋榆之起勉辭襍
襖來拂堯鑿多以白面書生而見啗獨得紫髯將
軍而許可樂哉飛泳藉甚推揚着鞭要使出祖述
之先成佛肯教在靈運之後未回沆碣預借扶搖
茲蓋伏遇某官親得南軒之傳世濟文定之美非
有心於富貴而富貴自迫不求名於氣節而氣節
更高脫彼少年新進之場運此真儒無敵之略識
微見遠常懷猛虎出柙之憂彊本折衝自有老羆
當道之勢至若虛以接物而謙以下士明於見善
而勇於拔材又當路諸公之所難實舉世善類之
攸屬矧在晚出曾爲至榮本無疇昔之緣便蒙刮
眼不負平生之學即是酬恩百喙可窮寸襟莫寫

賀侍御啓

榻前承渥柱裏升班物情大旱之餘適蘇霖雨

象太微之次首應法星九重侈知人之明四海享
任賢之福竊以兩儀具清明廣大之體萬物鍾扶
輿磅礴之靈得其中和者爲景星爲鳳凰全其剛
正者爲屈軼爲獬豸況千古之間氣生一朝之偉
人如伯夷聖之清如孟軻勇於義用能任天子耳
目之寄于以壽皇家氣脉之傳恭惟某官步趨聖
賢冠佩道德旁蹊捷徑不末少室之山絕岸孤峯
坐閱瞿唐之浪顧環轍之久矣終覽輝而下之簪
筆烏臺伏蒲騎省上不爲危言而駭聽下不爲矯
節以沽名惟致辨於君子小人之間而防微於宦
官女子之際外邪不入元氣自充以培社稷無疆
之休以兆國家中興之象深締邃嚴之眷進顯雄
劇之權堂堂不撓爲儒宗謀猷惟舊行行且止避
御史風采又新然而一論列關吾道之盛衰一建
明係斯民之休戚時雖無闕事或可言士夫懷寡
庶鮮耻之風將帥乏趨事赴功之志戰守之規摹
靡定賞罰之綱紀未張斜封尚費於調停橫斂更
多於朘剥惟正人用則國勢重於黃鍾九鼎惟公
道行則人心安於泰山四維此皆前日之已言抑
亦于今之最急願申欲議迄濟不平當今文靖之
警君復聞于世毋使清獻之論事專美於前狂斐
一鳴隕越萬坐

謝李坡舉自代并應詔啓

草正元之諫疏既許同升應建武之詔書又蒙特
舉人驚再推轂於暮月之頃誰信屢擊節於十年
之前撫往事以慨然幸平生之有此伏念某灌畦
自命媚竈不能忽起市虎無端之疑遂罹蹊牛已
甚之禍丹心獨破疇能百口保之白髮相看寧忍
一家哭矣已甘墮地之棄甑不謂中流之得壺剪
紙而招驚魂探囊而起壞證雖乏洛北山人之譽
亦備淮南幕客之負憐抱影之零丁爲騰書之旁
午六鰲連掣五鷄齊飛它人不足而我有餘大造
尸公而公未倦讓夔讓龍而讓朱虎誠過乎謙進
豹進鮒而進樂羊抑何其力所謂真知己者夫豈
輕予人哉茲蓋伏遇某官地望如山門庭似水萬
斛轉柁運平國論之偏五色補裳彌縫君德之闕
其正足以用大其公足以生明去小人如去稂莠
不厭其芟夷愛君子如愛杞梓寧過於封殖引蔡
襄而居同列有言必酬薦唐介而處要官弗進不
已爰得魚而取掌仍騎鶴以纏腰曷勝自喜之情
猶有無厭之請苦心選佛固斬衣鉢之傳九骨登
僊更乞刀圭之賜寸忱有屬尺楮奚殫

謝制使李尚書舉改官啓

謁裴度於洄曲之營最居人後拔杜牧於淮南之

幕勿慮衆先得之擊地而驚恍若從天而下竊臣
前輩所謂汲引孤寒之綆近世以爲攀結權要之
梯倚冰山爲大山延頸待囑指鼠璞謂荆璞拱手
奉歸名爲蓄吾家之參苓實則種它人之桃李自
喜得計烏知可羞若其點頭堂下之一言具眼坐
中之小異幾年無此一日見之如某者材非奇奇
老已冉冉方虛僑恃氣安知涪翁四句偈之有功
迨拂亂動心始信岬山三字箴之得力眇鴻毛其
自命最難助以何求竭來刀斗之鄉偶備橐韆之
役旣不能磨盾以草檄又不能推枰而畫籌第於
內 臂拍之拘攣與夫上下精神之消磨多所感
觸之隱憂顧國事以如斯於身謀而何有炎門
耻炙捷徑甘賒道之將行歟但居易以俟命人莫
我知也欲忍窮而著書不圖負壑之秋乃有回瀾
之力未齊五鷄先獲一麟固非曹劉沈謝摸索以
可知且無金張許史游揚而爲助迫出望表猥塵
選中茲蓋伏遇某官翰墨大蘇威名小范黃髮親
齒入奉壽母之懽織文鳥章出寬聖主之顧以忠
孝兩全之懿用文武兼資之材號乃青齊拍麾燕
薊已斷匈奴之臂行漆月氏之頭與共功名孰非
豪傑乃至噓一寒之谷欲使脫七選之坑以勸着
鞭以愧刊印偉此舉之尤特信所關之匪輕某敢

不敬佩十六字之褒期答二三策之取丸藥生翼
初匪求而得之辨香報恩當有大於此者卷卷銜
戴切切敷嗽

謝權帥洪提刑薦啓

騎揚州之鶴正切夢思冠楚人之猴忽叨論薦嗟
世道之寢薄幸宗盟之有歸竊呂絲苓同生於松
而絲託苓為根蕓荷皆出於藕而蕓倚荷為蔭惟
鼻祖源流之無間故耳孫枝幹之相依伏念某少
耕潛山壯宦鄱水訪盤洲之事業正印難傳誦野
處之文章餘燈可續柰九京之不作竟千里之空
還其期芳菲菲而彌章今歎景翳翳其將暮不圖

州牧出我世家蔚乎相扶日有川泳雲飛之樂劃
然長嘯時窺山鳴谷應之機胡人事之方乖曾身
謀之靡定帆隨風引舟挾岸移長鋏自隨勃罕堯
牟之底短檠相對淒涼刁斗之邊皇華不隔於照
臨吉語忽傳於吹送一鳧已去五鳳俱飛雖狄武
襄之譜梁公大非吾耦然呂文穆之舉夷簡豈無
它人出於真情有此奇事茲蓋伏遇某官器能管
樂苗裔韋平材恢恢乎辨多身矯矯其立獨山韞
玉而自潤粹然有道之容水中準則不爭澹乎無
我之意扶立故家之喬木挽回末俗之頽波涕唾
熱官金玉寒峻謂族姓如晨星之有幾况主賓與

春風而俱和置冗蹟於四賢借華褒於一字俾懋
所學用昌斯文白髮聲名媿難齊於二陸青雲步
武尚自附於三洪深感于中姑陳其槩

謝賈制置特薦啓

小單于之膽落方集奇謀大都督之眼高首薦下
士試新刻黃金之印署獨銜碧玉之章同日驩傳
一時盛事伏念某萬無能役一不敢欺蒲架插書
自矜艱俟之富舉家食粥誰念魯公之貧風霜不
貸而枝葉凋歲月已老而根幹在往來塞下出入
兵間車麟麟馬蕭蕭每痛心於浪戰田确确牛吒
吒取攬涕於煩輸兩年之賞識固多一旦之遭逢

元畏義隨磨轉鴈逐陽飛趨幕折腰甫識少陵之
面上堂携手已知駸茂之心聽說劔於酒邊許推
枰於燈下良由機契遂以名聞茲蓋恭遇某官貫
穿古今揮斤宇宙望長安於灞岸一生忠義之心
進雍丘於淮陰百戰功名之會用紹興分道之典
故施慶曆定邊之規摹旣綏靖於山東且經營於
河北築臺延士思得良籌推轂進賢不遺餘力爰
俾摧頽之下走亦蒙特達之殊知念圖報之無它
惟納忠之有益虎兕出於柙曩嘗失於防閑蛇龍
放之菹今盍思於區處勢必知己而又知彼權當
在我而毋在人御衆莫若寬平制敵無如審重財

散則民乃聚食足則兵自強此皆已見於施行務
在更加於推廣大亨衆望弘濟中興繪像雲臺不
媿膠東之傳磨崖涪水願書元結之碑觸突有誅
震惕退聽

平齋文集卷第二十五

平齋文集卷第二十五

啓二

通李參政啓

退思巖之勲名聞從諸老獨樂園之風骨識後群
兒惟伯陽實出於洪宜孔融自通於李輒將一辨
仰扣六符竊以武侯未起於草廬孰知成敗晉公
雖逸於綠野常佩安危上天非無故而生賢君子
蓋有待而行道矧今大勢異昔平時朝廷未深察
取燕之圖邊鄙或復用攻遼之策國計捉衿而見
肘民生剗肉以醫瘡士懷諛鶴之心將有養鷹之
志屯棘門屯灞上視紀律以如無出斜谷出祁山

問規模而猶未縱使置一勝一負於度外可不計
五大五細於目前鬱攸煽焰而薄京師熒惑吐芒
而犯帝座仰占天意似應人謀朋黨漸萌未免向
時一網之慮元良未定豈無異日半紙之憂波方
急而維楫莫施證已壞而刀圭安在上深念此公
有意乎恭惟某官道德宗師文章宿老太山之雲
為雨自有機緘震淵之日洗光不動聲色方權姦
之用事惟明哲以保身幾年出鄴侯以避元載之
鋒一日進弱翁而正霍禹之罪雲霓盡掃宇宙復
清五龍夾以飛旣展濟時之略四蛇入其宇初無
不世之心鋤梅花之月於未春飲木蘭之露於將
曉觀渠血指攢我醉眉然救否者莫謹乎苞桑而
反剝者亦由乎碩果離當復合危可使平我公有
袞衣以歸趣登上相天子負芥裒而立迄濟中興
某涉道未深謀身更拙聊爾署冗銜於紙尾居然
託後乘於遨頭矯詹岷眉太白之間知有東坡穎
濱者在雖執鞭之晚矣尚捧研以從之蓋欲質平
生書囊之疑豈止為方來夾袋之地後天下而樂
况曾協於寅恭安宇內為先願無忘於辰台寸忱
所屬百喙奚殫

上劉閣學啓

駟玉虬以征尚遲牀下之拜騎青牛而過敢後道

傍之迎顧斯文千古以無傳而前輩百年之幾日
孰窺棟榱粗識源流蓋自蜀公以來始有後溪者
作其清明則青天白日其高深則太山黃河參古
今之典刑具出處之本末權門鼎盛在熙寧自拔
於熙寧聖化更張處元祐不黨於元祐以雞鳴嚶
嚶之志追鴻飛冥冥之風去不可留歸猶未老巡
梅花而索笑浩若曾中之春樹護草以忘憂蕭然
物外之樂盡醉於田父泥飲之頃相忘於舍者爭
席之間文章散落於人寰翰墨流傳於夷裔雖有
詔以強起曾何心於復來然而一飯不忘乎吾君
百六欲濟乎斯世有關廟畫每以驛聞宗整

首陳諸嗣事之十九疏民瘼已亟次及條例司之
數千言仗孤忠以直前犯衆怒而不顧實爲仁者
之勇兼得聖人之清天下之達尊三孰如公者國
中之儒者一其捨我乎賜劔履以給扶偉衣冠而
入侍某遨頭後乘鉗尾冗銜每思退續離騷之詞
何幸親問太玄之字觀神和而氣定知目擊而道
存自憐孺子空侗母惜一編之教更願老親強健
亦如三壽之朋敬在下風有如皦日

上安宣撫啓

魚鳧蠶叢以來形勢千古伏龍鳳雛而後勳業一
人朝家西顧以寬憂屬吏東鄉而聽令九摠卯楨

之近三熏子墨之恭竊嘗泛觀古今制敵之機頗
識東南立國之勢腹心江浙腰脊荆襄維蜀道之
山川如人身之頭目吳合之則可奪曹瞞之氣晉
失之則難折阿堅之謀雖太白義眉四萬八千年
始通中國然西陵江都五千七百里莫重上游唇
亡則齒必寒首擊而尾自應欲混鼎峙三分之地
無如坤維半壁之天恭惟某官抱王佐之材任天
下之重乘雲氣騎日月橫鶩沈寥之間歟鴻濛肩
雷霆獨立汗漫之表以道義養吾之大勇以忠忱
運我之壯猶唾怒虎其方擊截奔鯨乎已沛聲子
瑤之罪血模糊於鸛腹正劉關之誅刀紛綸於

脯三綱垂弛以重立四極既搖而復安逮黑谷
繹騷重綠林之倏擾病逢壞證棋入危機人寒
而莫支公攬涕而又起矛驅海若障漢沔之頽瀾
甲洗天河歛殺函之妖侵威行夷夏功塞堪輿蓋
歸上相之班猶坐元戎之帳以西土之方靖宜東
人之欲留不惟後勁以中權要使左鱸而右粥勃
律天西之野春草犢肥蓬婆雪外之城秋風馬臥
惟梁益無鳴弓之警則荆楊享奠枕之安紀社稷
之元勳申山河之信誓微管仲其左社矣夙高耆
定之謀歸周公以袞衣兮佇翼升平之運某暫濟
班尾即趨遨頭願治中之非長置負外而奚益唯

大莫府推赤心而聽計而小朝廷開青眼以延材
甘踏羊腸願詹馬首出師一表既於伊訓說命而
有光皇武兩詩當視吉日崧高而無媿委心歸倚
拜手敷陳

添倅到任謝廟堂啓

東望日邊迷前塵於班尾西來雪外陪後乘於遨
頭轍行地以雖遙梯倚天而實近作平生不到之
夢出造化非常之恩伏念某文字蟲魚姓名蟣虱
偪仄何偪仄定非湖海之豪伊優自伊優粗有
林之氣襲子長南游之遺跡放少陵北征之壯
柳淮袍以方休掛江帆而又去石頭牛渚六朝

勝之如存夏口烏林三國英雄之安在木葉秋
於楚些竹枝寒送於巴歌每渺渺以凝思還逢逢
而催發灘稠十二培之上路遠百八盤之間鹿角
狼牙旋渦正沸虎鬚龍脊激浪欲飛電驚鯨甕之
唼訝雷吼業牀之漬薄寄性命於一篋蕩神魂於
兩橈可謂人生之畏塗然亦天下之偉觀三峽轟
井絡而上動搖星辰一川翻月窟而來傾倒河漢
屏巫山於絕岸柱灑瀕於中流峭立百牢之關橫
陳八陣之磧脚力未窮於涪萬目光已射於岷峨
萬里橋邊啁哳估舡之曉百花潭上喧呼藥市之
春以治中別駕之冗負追方外司馬之樂事經行

折到獵取已多進可賡王褒益州之詩退可續太
冲蜀都之賦匪私鈞播疇與玉成茲蓋恭遇某官
道大而有容功高而不伐謂紫雲樓之議論在安
細民而天章閣之條陳務去宿弊吐坤軸之萬里
邈君門之九重碩鼠多貪小鮮易擾既擇蕃宣之
雅望又收關決之駕材俾笏而魚隨琴與鶴惟民
愁之既劇且兵調之方殷衛公籌邊之圖必精思
而制勝武侯出師之表非快意以徼功要當為根
本之謀乃可固藩籬之勢勉毗鎮撫期荅生成一
弛一張知妙得濟時之略五細五大願早施賢
之功言非所宜死有示罪

通成都宰啓

手弄參旗快治中之展驥眼穿危棧容負外之題
輿淒其一葉之來幸甚萬間之托恭惟某官儲岷
巫之秀傳坡穎之源天孫雲漢之分軒軒傑作巨
靈太華之擘矯矯竒材藏諸用而不窮隨所施而
可紀盍陟道山之峻猶迂錦水之遙泥軾生光油
幢倚重浣花勝踐聊接武於遨頭視草新除便問
津於龍尾某淮城久戍蜀道遐征雖云裂風月而
三之不過旅琴龜之一耳古心而又古貌自信獨
難異人而得異書相從未晚

回節推袖啓

殿上呼盧之讖早動諸公幕中倚馬之材肯交餘
子接茵已幸銜袂何謙恭惟某官琅琅國子監之
書爛爛蓬萊宮之賦一通脫手萬乘改容杜書記
在其下風嚴少尹置諸上客如石投水猶珠生淵
拍籌邊之兩圖平章蠻徼草出師之一表號召秦
關盡牽芙蓉之華遂翻芍藥之影某幾年心敬一
日眼明略窺小陸之文已識大任之韞屋頭問訊
欣雞犬之相聞劔外征行恨燕鴻之相避

回愈判袖啓

星槎仙客忽來笙鶴之聲雪錦主人益壯琴龜之
氣辱在聯事願言定交恭惟某官賀白材名冠
文采集芙蓉之裳而脩初服不着一塵卧蓮
舟而讀玉書平吞八極屢試發硎之刃難藏露
之錐宣閫拔尤戎垣借重落筆於龍筋鳳髓之上
寄興乎魚泳鳥飛之間姑贊籌邊即登天祿某遠
趨幕底近接墻陰合簪甫挹於清標搢袂首勤於
好語手遮西日曷圖橫草之功脚踏東風當共浣
花之樂

龍州到任謝廟堂啓

萬里橋邊甫解佐州之組百牢關裏忽分護塞之
符名未登聖天子之御屏身已入真宰相之夾
袋夢想不到頂踵有歸伏念某冰霰窮至風濤苦

海藐爾幾年之流落軒然一旦之遭逢補太廟齋
郎入扣天田之角與京官通判出捫雲棧之參子
無關決之長惟佩丁寧之訓一來錦水四度劔門
雖弗陪大莫府之賓猶自詭老元戎之客其於徇
國靡忘愚公移山之心所謂籌邊但進彭祖觀井
之法偶畢葵丘之戍方謀栗里之歸不圖寒根遽
動春意茲蓋恭遇某官曾中水鏡筆下化爐有猷
有爲有守則念之得箕子建極之意乃牧乃事乃
準惟后矣循周公立政之規凡諸老退而無營暨
衆正用之未盡大爲坯冶悉入蒐羅上關豐且
廿之仁下應泰革一陽之象爲今元祐嗣昔河
知隆甑之餘生乃小釣之舊物亟令剖竹疎俟
瓜歷吉日以問塗朔下風而委命丹心許國歟
畫戟之榮白髮倚門第想綵衣之樂兩全命誼一
出生成

謝制置崔閣學啓

目送飛雲欲問吳頭之路手遮落日忽乘蜀尾之
關告赤崖父老以天子之聖仁諭青菴種族以
元戎之威信九束衿而聽令皆彈拍以知恩伏念
某危機熏心老色上面拍銅斛而舞角銳之習已
空摩石鼓而歌嗜竒之癖猶在惟鸞鳩不能以自
奮故駢蛩有待而後行追隨一琴跋履雙初草在

將軍之檄雖未愈於頭風誦崔大夫之詩亦能驅
於瘡鬼滿宜去矣行復尼之走絕棧之危途訪緹
兵之間道邦人嗟異昔無朝士之來山獠傳呼今
見幕賓之出樂郊至止道院蕭然長嘯而萬壑應
獨立而千章拱真成吏隱何有官癡茲蓋恭遇某
官心與造物者游身任天下之重以強國勢為定
三秦之根本以收人材為用四蜀之規摹乘鴈雖
多前魚未棄始平辟司馬以丞郡其事略同小范
挾師魯以行邊所期更遠故雖公斯世而稱物未
免私其人而擇官矜此踈庸置之簡靜俾於抄
崔科之暇而求切琢磨之功為君子儒從先生

後類我類我久則 敢忘函席之規式微式微
不歸尚尉倚門之望請事斯語有如大江

回生日啓

年華垂暮久矣倦游月紀就盈依然初度影留積
雪之表心在飛雲之邊何勤記存特枉慶問夸詞
斑衣之樂鋪張黃綃之辭義重同寅情深泛愛贈
之秋菊知欲制於頽齡歌以木桃尚無忘於永好

迂鄭制置啓

入侍中宸出制外闡西控六詔磊落籌邊之圖北
定三秦淋漓出師之表惟卧龍之規撫素定故刺
虎之機會可投氣壓赤雲盤身搖紫邏恭惟此

空萬古名塞兩間緇衣敝子文改為考典刑
朱弦倡而有遺音矣格調更高岸巾溢浦之秋風
舉酒平山之春色吟懷激壯酣膽輪困論山東之
事宜浪戰非策指淮南之形勢寢謀在人上知為
天下之奇材公請當今日之重寄方整雍丘之役
又嚴斜谷之征惟并參之上游與關隴而錯壤枕
戈雖切傳檄尚遲豈人謀之未臧抑天運之有待
虜乘丙午之釁而犯梁汴于今百年我應甲申之
讖而破秦川在此一舉開誠心以集眾智倡大義
以激三軍招搖所臨攬槍如洗天生晟非為也
以首定之功帝

述相子不贊升平之業其

身虎肩萬里野以從游今介雪以
聽令慨斯道之孰主誇吾邦之有人未睹前
占破竹讀長安之露布相與驩呼賡涇水之鏡歌
尚知興起

被 旨奏事謝廟堂啓

瞻太行之雲心方搖於西徼近長安之日夢忽到
於東華天道以從欲為仁人紀以錫類為孝綱常
立矣聖賢能之竊以行邛邲九折而去官漢許全
於子道守西山三城而入奏唐使便於親闈蓋天
下之至情宜人上之深眷伏念某汚邪家世叢數
身名王粲問從誰粹粹行邊之志顧况海上

依去國之懷，泝瞿唐，灩澦，而西躡龍門石堦。
跣足萬里，回首五年，江上秋風，影斷未歸之鴈城。
頭落日，魂飛返哺之烏，讀何蕃之傳，而躊躇覽孫
寶之章，而惕息去天，雖邈控地，有祈，但為昏定晨
省之謀，迺叨朝奏，暮召之寵，父曰：嗟予子行役展
轉許時，昔我往矣，今來思，團樂有日，舉家懽舞，行
道榮觀，茲蓋伏遇某官，以躬行作百世之程，以性
學立三才之極，大既和於民，則細亦盡於人情，四
牡之啓，處不遑聽，其來諗杖杜之憂，心孔疚，知爾
懷歸，况家山正在紅雲之旁，而救水難供，白雲
小傳終此闕就。 陔所謂老者安，少者懷，莫非

仁之至，義之盡

以監護關之有虎，蓬萊引棹

常風可恃，而前惟繫所主，三吐哺，三握髮，行
袞之光，壹舉足，壹出言，永戴洪鈞之施，過此以往
未知所裁

賀廟堂定策啓劄

恭審以一代元勳，定萬世大策，生靈有主，社稷無
疆，嘗觀歷代之源流，因攷置君之本末，奉之冕服
伊尹在太甲，為阿衡，逆以干戈，召公相康王，作顧
命，允邦家奕世之慶，皆宰輔得人之功，秦不足言
漢亦未善，代王之入，以太尉陳平，何為曾孫之立
以將軍楊敞，不與，或外戚措澤於襁褓之

官操制於掌握之中託周公行事者皆然女正
用心者有幾以至晉聽之司馬之處分唐付之中
尉之轉移倒持太阿擅弄神器忠如狄仁傑中宗
僅付諸人智如李衛公宣宗不出於己噬臍莫及
搯孽徒多惟我熙朝若時元老藏書金匱定大業
於兄弟之繼承漬墨水盂扶正統於父子之授受
顧託之寄在宰相擁立之權歸朝廷大典具存盛
事復見某官相先帝十七年之治培皇家億萬祀
之休巍巍煌煌無逸太平之業濯濯赫赫崧高中
興之謀逮憑几之道揚重嗣服之付托謳歌之
而人心屬曆勳而天命歸危疑雖深亥齒已

交擊滾雷而出獨待寸心扶大明而當天盡出
一手此蓋列聖監其志先正啓其衷用能奠九鼎
於聲色不動之中于以大一統於觀聽惟新之始
旂常徧紀鍾呂特書泰山喬嶽之俱崇長江大河
之無極其委身坎北拭目休明知宗祏之有依與
草木而同慶然事莫難於謀始功尤重於圖終潞
公老臣盡日立侍於少主之側魏公舊相一旦卷
簾於母后之前有光昔人正在今日某下情不任
踴躍慶快之至

秘書郎謝廟堂啓

虎落賦歸尚憶窮邊之戍龍
龍入奏忽叨膏

除當明兩作離之旦而兼心與謂一爲元之甫
並下始終大造之力俛仰平生之榮竊以漢九種
一百三家錄嚴中祕唐四部二十萬卷藏富弘文
迨熙朝之煇興嚴列館之鼎峙上搜禹穴下采虞
初登其庭者道山日月之最華讀其書者瀛洲風
露之亦飽乃若秩美職清之選莫非見殫聞洽之
材如某者識字亡竒用心徒苦日斜牛背慣從發
襖之耕月暗馬頭間問堯牟之役莫府劔山之外
麗譙涪水之濱粗了官癡不改書癖伊川絕學已
籀匠之不存清獻高風尚蒼頭之可語心折百年
之客路眼穿萬里之親闈第期西崦之還乃作東
華之夢周章拜命勃窣趨朝天近五雲甫候紫宸
之對地清群玉忽陪碧閣之遊左思于此而賦三
都卅南由是而擅五絕歷觀作者深媿斯文茲蓋
恭遇某官定大計如隆興開皇極如元祐收召久
閑之耆艾韓呂朋來登崇未顯之峻良晁張輩出
謂今奎壁之府自昔豫章之林國以儲材士焉養
望遂下采於兔褐亦俾乘於鹿車某敢不澡雪精
神於征塵沒沒之餘收斂身心於夜氣搖搖之後
竹裏汲泉而煮茗花邊挹露以研朱端日將臨首
獻三元之頌盛時親見尚賡七德之歌

回胡判院啓

曠度高才方快景星之睹旋文大軸忽勤明
投喜獲一麟盡洗萬馬恭惟某官壘刺屈賈灰撥
陰何以湖海一生之豪爲京洛諸老之客流涕痛
哭見於議論怒罵嘻笑發爲文章具眼非無其人
壓頭終付之命黃金且盡長鋏猶存自昔聲名當
三千而何帝祇今富貴過五十以非遲某脫從煙
霞來足風露枕書清樾之底誰與喚醒拾落花
之邊更煩舉似略茲具報幸甚墜紆

臨安諸友招講東山啓

慕祖徠之餘風退安西崦引嶽麓之故事延致東
巖豈不願一鄉善士之交共如非諸儒名家之選

莫當盛意輒誦淺聞蓋自兩楹之夢旣符一貫之
學如綫以仲尼事有若安能無貌似之疑由子思
傳孟軻所幸有性善之說迨秦熖之寢冷而漢塗
之復開淄川言易濟南言書各擅專門之業賈逵
作訓馬融作傳居多著錄之徒雖穿鑿之未純亦
發明之良苦會文有益溫故宜師乃若泰北之仰
昌黎衡湘之宗子厚頭童齒豁未免先生欺余哉
之嘲耳拂心騷且有吾子見愛爾之嘆顧好爲之
通患在善誘以疇能惟 本朝五星之聚奎而斯
文百川之至海自伊洛出有洙泗風氣象巖巖立
盡三更之雪精神盎盎坐餘一月之春所謂

聖聖希天夫豈書盡言言盡意諸老偉有功於後
覺群英求無媿於前脩腔子裏盡惻隱之心貴於
存養科舉外有義理之學不厭討論能自得於源
流更孰加於模範藐如逐客老矣陳人久忘東塗
西抹之時未定南去北來之地辱拂黃龍之榻俾
修白鹿之規端是借聳誠難起甓見大巫而怯敢
危坐於虎皮從野翁者遊尚醉眠於牛背略敷梗
槩切幾鑿紆

再答招講啓劄

某伏承妙語申諭寵延曷月予還歸哉久起故園
之興吾年今已如此難陪勝社之遊况蝸涎不足
以自濡而螢爝何堪於共照徒慙便腹多費解頤
幸諸君之見寬容老子之省事窪樽西乳甘寂寞
之漫郎石室東山付風流之太傅荐滕口說切幾
心孚

生日回啓 戊子

蒼顏五十三又逢初度化身千百億揔是窮愁辱
飛雙鳧來顧獨鶴開行厨於竹裏出妙語於梅邊
為留西日之陰待轉東風之信掛梢綠鳳夢何到
於調羹啄黍黃雞盟尚尋於煮餅其為心感併得
面陳

生日回程宰啓 己丑 以墨梅并詩來

牛奮其角閱良月之就盈鴻漸于干驚朔屈之欲
暮過勤採藻加貢垂蓬某官學道愛人折節下士
同出老先生之門而矜其不耦日奉太夫人之懽
而念其有親欲回東里之春先寄西湖之信句隨
香動格與榦高照見百里奚飯牛之心寫出九方
臯相馬之意戒以點白俾之守玄老我長閑敲碁
聲於橘裏爲君細誦引酒興於梅邊

生日回啓 庚寅

閱天地之數久矣疑年對聖賢之書蕭然送日方
嘆箕張而牛奮忽聞春發以鯨鏗笑桃李之爭新
許梗楠之耐久詞高曼王意重訂金水調數聲恨
公聖兒之唱山光一帶願從詩老之遊占報斐然
垂察幸甚

生日回啓 癸巳

九年謫之賦不暇問天十月交之詩猶記墮地方
擁山陰之雪忽披沁水之春醞藉不凡機杼自別
以彼富貴榮華之夢開此風流散誕之懷意氣重
於斷金音調諧於佩玉醉喚盧仝之赤脚強爲我
歌笑摩杜老之白頭莫當君賜其爲感著未易名
言

生日回吳季永寺簿啓 乙未

歲周六甲氣近一陽過辱高情俯記初度 置之

斧修月出語不凡洪崖之榼留春拜賜殊侈琢磨
以岷山五花之玉護養以峨眉千歲之苓愛之欲
生永以為好義襟特重莫訝卷錦鯨而還老眼尚
明要看冠鐵豸而立



復官謝廟堂啓

新綸渙發宏開宥罪之科舊秩復還仍賦祝釐之
廩與兩儀而同量控九地以知恩伏念其姿稟迂
踈學問寡陋明主可忠言之日誼孰數之天下本
無事之秋黯妄發矣宜坐反脣之律特寬擢髮之
誅僅褫官聯俾安家食兒從郎罷拾柿葉以學書
對藁砧然松明而理績凡此團練之適莫非塊

之私以口語心引手口額第一日之去國倏七
年之杜門戶外屢空但有莓苔之徑床頭全蓋况
無把經之圩未問數百拍碎累之前煎熬可堪七八
十老親之落寞居然待盡忽爾更生長樂宮之稱
觴華夷同慶丹鳳門之肆眚天地皆春大或漏吞
舟之魚細亦振坏戶之蟄洗之丹筆畀以青氈昔
漁者爭隈已斷市朝之夢今廩人繼粟遂紓溝壑
之憂靖惟平生盡出大造茲蓋伏遇某官手扶社
稷心契乾坤卷卷乎緇衣之好賢休休然干旄之
樂善謂四海之英雄豪傑悉歸籠絡之中豈一介
之激厲便僕不在涵容之數貸之衆人欲受之始

察之公論既定之餘欲放一頭趣開三面推細相
顧而動色簡冊大書而有光其敢不仰體包荒
思遷善步虛聲裏疑從鈞天帝所之游知見香中
期報佛地位人之德銘藏亡戮某染奚殫

平齋文集卷第二十五



平齋文集卷第二十六

啓三

賀鄭丞相啓

淺草文庫

伏審揚廷渙號宅揆奮庸天開聖人揭大明於積
陰之後帝賚良弼興霖雨於久旱之餘九鼎尊強
萬殊闔懌竊以慶曆之進杜正獻盡革弊端元祐
之相司馬公力回正論九其變則通通則久本乎
定而靜靜而安 聖上始親於萬機朝家大整於
百度追還盛觀允屬真儒恭惟某官秉粹而履方
造博而守約黃裳文在中也道傳往聖之宗緇衣
敝又為芳身繫衣賢之脉蚤勸初替之學蔚為大

任之儲淵源養蒙羽翼出震六龍御天而萬物覩
依乘最先九鰲負地而四極安扶植更方肆增隆
於上媿亟入贊於中樞密勿引裾雍容補袞避權
遠勢初無富貴之心合意運籌自契明良之會覆
金甌其久矣登玉鉉焉遲之播一朝希闊之麻開
幾年壅塞之路昔妖星示變除舊之兆已萌今瑞
雪應期作新之慶可卜兩全文武之憲獨幹中和
之機惟國事總總乎其方殷而民情喁喁然其更
切決否泰之消長在乾坤之轉旋平輕重於一舟
丕展濟川之略寄安危於八柱迄成支厦之功以
福華夷以壽社稷某霜途易蹶冰谷難春夙蒙鑒
賞之殊快覩延登之盛調元有道坐培上甲子之
休播物無垠早吐雌丙申之氣踴躍胥慶編摩曷
宣

禮部郎官謝廟堂啓

九年去國甘從西崦之耕一旦起家遽草南宮之
奏大明昭揭於積暘之後妙造潛回於沍寒之中
脫跡沉淪委心坎北伏念某天姿不穎世諦更踈
虎負嵎莫敢撓徒奮直前之氣鹿走嶮何能擇了
無善後之謀寄懷抱於倚楹付光陰於面壁低徊
空谷展轉窮途蠻素掉頭早厭香山之老雍端拍
手亦嗤栗里之貧間意行而覓詩率危坐而讀易

忽逢陰剝遂與陽升牢落馮唐尋青綾之齒步摧
頽禹錫訪瑞錦之新窠久湮焦穀之芽頓吐寒灰
之焰俛仰自省生成有歸茲蓋恭遇某官道包元
功心契真宰伊尹舉而不仁遠矣選衆惟公臯陶
歌而庶事康哉知人尤急孰觀否泰往來之運密
轉乾坤闔闢之機大姦朝鋤衆雋暮拔謂鵲巢可
窺而鳳凰集駿骨既市而騏驥來憐其數竒開以
寸進某敢不敬佩隆眷加鞭後圖白首爲郎敢嘆
桑榆之晚丹心報國更祈松柏之堅

回薛觀文啓

恭審陞華祕殿均逸殊庭六子之佐乾坤功成斯

退八還之玩日月宇定自光几几雖新巖巖維舊
恭惟某官吏師一代王佐兩朝問方略之世家自
唐浸盛練制度之人物視漢略同三十年密拱於
脩門一萬戶肇開於大國倚成方切引去何輕野
梅官柳之坊路喧迎騎流水青山之屋門繫歸舡
兒孫出萬卷以披吟父老散千金而燕集移閭闔
衣冠之夢爲園林鍾鼓之盟陽羨買田拍塞秧疇
之雨惠山試水颺颺茶竈之風誰爲公謀使有此
樂某猥馮容度輒犯顏行呂獻可固得罪於荆舒
文潞公初何尤於質肅想見幅巾蕭散訪疇昔之
釣遊願言列鼎春容享方來之耆艾

回程內翰啓

伏審均逸珍臺陞華穹閣人材凋落之久上深
念之天運轉移之新公嚮用矣漸所以進泰於此
占恭惟某官九垓隆名五嶽全氣伊川明道而後
獨傳正宗野處平園以來復見老作蚤從龍尾直
上鰲頭扶日之功未酬偃月之機已露方奪萑苻
之氣遽尋花竹之盟司馬公之流水青山姑從獨
樂歐陽子之茅簷涼簟尚想玉堂雖出處了無累
於吾心然安危豈遽忘於斯世宜膺蠖濩之眷趣
進凝嚴之班與造物者游益培夜氣後天下而樂
亟告辰猷某狂編虎鬚窮卷龜殼追六年之夢寧

傲宰相而不敢傲翰林叨一日之逢難為諫官而
猶使為御史蒙恩莫稱請誨無從所願君子之彙
征庶幾吾道之浸長元祐之詔大老莪冠而來慶
厝之頌名臣執筆以俟卷卷有屬纏纏奚殫

中書舍人謝丞相啓

歲星之犯執法前數夕太史奏歲星猥干憲府之
誅帝座之拱紫微驟玷詞垣之選觀君相之深意
知乾坤之厚恩竊以為治莫重乎紀綱之張用人
尤患乎意嚮之轉拱辰一網君子之氣遂衰之邵
兩來小人之勢斯逞歷攷往鑒寧忘隱憂伏念某
髮種種其絲焚心忤忤乎通直歐陽余靖列在四

諫每懷聖德之詩王衍盧杞合爲一人欲著辨姦
之論適改弦而更始偶簪筆以居先議論不足以
聳鳳凰之鳴風力不足以快鷹鷂之逐第潛觀於
機括慮或撓於規摹景祐一不肖之來大圖搏噬
熙寧三舍人之作孰効鉗槌去稂莠所以養嘉禾
薙茅艾所以護芳草獨奮一擊衆觀四驚或疑面
前行路之未寬或怪袖中彈文之太早勇爲國計
奚暇身謀奉帝勅而傳霹靂之符何難驅鬼仗佛
力以運金剛之杵自可降魔雖閤門不隔於交章
而臺院俱成於退舍彼姦旣折此志還伸立五花
之塼甫軒眉於旬浹扈六飛之蹕遽允肯於須臾

黜轉而升榮忘其辱茲蓋恭遇某官玉道砥柱斯
文津梁遜直諫如元齡之佐唐去副封如魏相之
興漢謂保合善類必去敗群之羊而修明大公何
愛溺井之狗辨薰蕕之殊氣培杞李之深根俾京
尹授館以使留許詞臣遜闕以見處宣昭實意安
集危蹤續翻紅芍藥之吟莫知稱塞占澄碧琅玕
之夢終托生成銜戴輪困栞摩梗槩

回趙制使啓

恭審上思東略公請西征以文昌八座之尊總元
戎十乘之重江淮增氣關洛屬心恭惟某官文武
兼資忠孝兩盡西平父子卷中飛而如翰慶州弟

兄抑非影而非虎挫狂虜於捭顧之下平逆離於
笑談之間功歸一家名震四海正佩甘泉之橐又
分細柳之弓幼度却符堅於合肥風聲撼塞公瑾
破曹瞞於赤壁雪浪翻江中莫府之宏開外提封
之盡護不求一勝必出萬全東夏口西武昌規模
既定北羊腸南伊闕經略何難大奏愷於前茅永
垂光於汗竹某搔頭白雪引睇赤雲竹樓之記猶
存徒懷清賞桃林之詩可作尚賀元功

回楊侍郎啓

竊以南臺執法未輸折檻之忠西掖代言遽獻斷
窓之醜蒙恩超越揣分凌兢伏念某蚤生梓根久

成流落窮懷不柰每嗟煮鶴之琴老氣未衰尚愛
擊蛇之笏天適開於日月地偶借於風霜了無回
川障瀾之功僅有去莠護苗之志方奮前而抨擊
忽踵後以褒遷觀象門深挾日之留已幸翔鸞閣
靜半生之夢還驚取數過多揆元有自恭惟某官
聲諧笙磬佩襲瓊璜闕裏掉頭耿耿高時之操閑
邊袖手卷卷憂世之心念善類之相扶欲頽風之
復起遂令滌辱亦轉光榮詩到蒼苔寄宦情之澹
泊帖來青李佩交好之綢繆占報斐然垂察幸甚

回趙婺州

必愿謝忠定配享劄子

恭惟先正忠定太師周程粹學文富精忠龍夾日

以飛定棟器於危疑之頃，養負極而立安盤石於
拍顧之間。初罹偃月之謀，終墮浮雲之計。迨更聖
化，始記功宗。侑食原廟之廷，圖形容臺之閣。阿衡
格于上帝，雖音跡之莫追。周公祭于大丞，迄英靈
之如在。旂常增耀，簡策騰芬。某濫廁周行，聳瞻盛
典。知臧孫之有後，宜文子之作原。爾祖與享之已
著，丹青之信斯文。未喪也更堅，清白之傳贊。抃良
深敷，宣曷既略。此酬謙施之辱，切丐紆咎。

回趙制置

葵謝忠肅賜謚劄子

恭惟先正忠肅太師學問以母自欺為先踐履以
不遠復為主曾吞八九雲夢浩乎無涯腹有數萬

甲兵用之不盡擁師于於江漢控戎索於關河以
頗牧之籌修羊陸之政屯田之奏則營平之遠略
出師之表則孔明之精忠收績前茅垂休汗竹邊
有雲中之警上興鉅鹿之思灑寶墨以疏恩易美
名而壹惠光流宇宙聲撼華夷是皆曹武穆之將
家范文正之儒裔克傳世業深結帝知故能顯揚
於無窮于以侈大其有子某聳聆盛事倍激懦衷
方圖狂於柔絨忽首勤於珍翰執謙良過抱媿為
多排紛控賀不莊仰句台察

除禮部謝丞相劄子

某恭惟

聖上親萬幾之初賢相宅百揆之始大

明昭揭公道宏開群陰見現而雪消衆正連茹而
茅拔融歸皇極扶立太平某去國九年奉祠再歲
自謂窮途之老死不圖大造之更生抱舊直之青
綾趨新窠之瑞錦孰云起廢有此叨榮某官監其
愚而無它腸愛其懦而有立志以恤窮悼屈之念
爲噓枯吹生之仁首加招徠使脫沉滯動八十親
之喜寬數百指之愁踴躍而興糜捐以報然念禹
錫十年待文昌之相始授此官温公數月趣東坡
之還乃居是選豈繫晚學可跂前脩伏望鈞慈憫
傷弓之心危察墮甑之氣索收還誤渥改轉真機
賜其甌石之家授以斗升之壘一飽養志三熏戴

恩謹此控謝併布其衷仰祈鈞察

荅吳總卿劄子

某九年擯去玄都之樹已空一日喚回少林之壁
忽倒若有相者夫豈偶然某官功名鼎盛之秋意
氣相期之素謂荃蕙化爲茅艾矣尚復何言而桃
李自成蹊有之不須多慮每對酒而憶太白必裹
飯而問子桑更加牙頰之春欲起頭顱之暮昔耕
今獲彼竭此盈竊自攷其平生曾不滿乎一笑方
趨郎舍忽被郵籤論復如前固待以唐質肅之舉
節難保晚正恐如韓忠獻之言倚須公歸共論此
事伏丐丙照

荅葉子真劄子

某九年坐廢翟公之門欲冰一旦謂來馮唐之首
已雪方群振鷺忽點棲鳥作之髀肉久消之餘置
諸夢想不到之地莫知稱塞第劇凌兢足下氣雲
升而川增文水湧而山出念嘗交訊知可論心方
從九芙蓉之游特貽百車渠之帖首勸之以劉元
城范希文奏疏繼戒之以王彥霖朱光庭策題推
車惟主於行乘舟毋偏其重卷卷一意纏纏千言
期頽風之復興使懦志之有立把玩不已感藏可
知此去凡可以警策其不逮毋惜陸續

